

# RELAZION 2023

## ASSESSÉUR STEFAN KASSLATTER

Chësta ie mi relazion de mi lëur sciche assesséur dl Chemun de Urtijëi per l'ann 2023. Ulëssi rengrazie per la bona cunlaurazion l'ambolt, i autri assessëures y la secréterie de Chemun cun si cunlauradësses. Ma nce i ufizes di polizais y dla ntredes cun chëi che ie ei ntan 1 ann 1 plu da fé. Ma sambën ne uei nce nia desmincé de rengrazie i autri ufizes che ie for dassën despunibli canche i adrova.

### MOBILITÀ

- **Plaza S. Antone sënza auti:**

- Cun 1 fin de purté plu segurëza, cualità dl'aria y cualità de vita n generel sun plaza S. Antone iela ntan la sajons turistiches da instà y inviern unida stluta ai auti. L pudova me plu furné ite la curieres de linia, chëi che sta ilo, i taxi, i shuttle di hotiei y i nvalic.

- **Plaza dala curieres dal Ladinia:**

- L ie unit laurà inant sun l proiet de spusté la curieres da plaza S. Antone ora de viers dla Tresval do 1 Ladinia. L ie unic nvieie via i vars administratifs per purté ite chëla spersa sciche zona de nteres publich.

- **Mooneygo:**

- Per paie l post da lascé l'auto ulache l ie la risses brumes iel unit juntà al sistem Easypark nce l sistem de païamënt digitel tres app Mooneygo.

- **Passaje Snoltner:**

- Do che l ufize per i ruves dla provinzia ne ova nia dat l bënstä a n puent che se auza tl cajo de na gran ega, provun a lauré ora na pruposta de sté cun dut sun grunt de Chemun de Urtijëi.

- **“Parkleitsystem”:**

- Per l “Parkleitsystem” per Urtijëi iel unit dat la ncëria a n eletricher per mëter jù i cabli dal strom. D'ansciuda cialeran ponan de dé nce l'autra ncëries che ie debujën.

- **Segurëza sun la Tresval:**

- Per miuré la segurëza sun la streda Tresval iel unit dat la ncëria a n ngenier de lauré ora prupostes che ie pona unides purtedes dant ala provinzia y unirà n pert metudes ndrova tl 2024. Sciche prim val uniral da pert dla provinzia fat na rissa amez plu lergia per strënjer ite la streda a na moda che l vénie furnà plu plan.

- **Telecameres che liej targhes tl raion a trafich limità:**

- L ie unides metudes su la telecameres al'entreda dl raion a trafich limità sun l col da Janon y pra la dlieja de S. Antone, che tol su la targhes di auti che ne ie nia autorisei a furné ite te chël raion y possa nscila unì straufei.

- **Telecameres per videocuntrôl dl zënter dl luech:**

- L ie unit baratà ora la telecameres per l videocuntrôl tl zënter de Urtijëi y juntà mo vel una. Chëstes à na miëura resoluzion y nce de nuet vëijun drët bel.

- **Tenì cuntat cun l'ufize per la Mobilità dla Provinzia y l Zënter dla Mobilità de Gherdëina per la curieres:**

- La bona cunlaurazion cun la Provinzia y l Zënter dla Mobilità de Gherdëina va for inant per garantì n bon funzionamënt dla linies dla curieres dl luech. Nscila iel unides otimisedes la linies a na moda che les sibe plu efiziëntes passan nce tres la streda Stufan y slargian ora i orares dla sajon turistica nce ala sajon nia turistica.

- **Puenc:**

- L ie unides fates la proves de pëis sun duc i puenc dl luech ulache l mancia l colaudo dla statica.

- **Problem dl trafich pra la stazion dla furnadoia Secëda:**
  - Per miuré l trafich pra la stazion dla furnadoia Secëda iel unit fat n'acurdaunce cun la sozietà dla furnadoia y la rapresentanta di zitadins che vif tla Val d'Ana n pitl rundel a na moda che sce l ne ie nia plu lerch tla plaza da lascé i auti/garage, iel mesun raidé y se n furné demez.
- **Telecameres che cunësc la targhes di auti che passa:**
  - Deberieda cun l ufize dla stredes dla provinzia iel unit fat ora de mëter pra duta la ntredes dl luech telecameres che cunësc la targhes di auti che passa y vën nscila salvedes sun n server ulache i Carabinieri possa jì a cialé do tl cajo de bujën. Chëstes tuchëssa da uni metudes su tl 2024.

## POLIZAI DE CHEMUN Y UFIZE DLA NTREDES

- **Lëur cun i polizais de Chemun:**
  - Cun i polizais de chemun fovel for ino da se ancunté per se rujené y mëter n droa chël che la Jonta à fat ora. Ma nce ressolver problemes che vën a se l dé ntan l'ann pra la viabilità dl luech y la rueges da lascé i auti.
- **Lëur cun l ufize dla ntredes:**
  - Tlo ruvel ntan dut l ann dumandes de ocupazion de grunt publich che vën cialedes tres tl ufize dla ntredes y deberieda cun la Jonta dates pro ulache la va.

## ARTEJANAT, ARTEJANAT ARTISTICH Y RAION ARTEJANEL

- **Projet Val Gardena Woodart Center:**
  - Cun la grupa de lëur iesun jic inant cun l projet che à l fin de fé cunëscer mo de plu ora per l mond l'ert y artejanat dl ziplé de Gherdëina.
- **Cripl da Nadel:**
  - Tl temp da Nadel iel unit mprestà na cripl de Wilfried Senoner che ie unida metuda su tla raida da Mauriz.
- **Raion artejanel:**
  - L ie unida fata na graduatoria per vender la ultima doi sperses dl raion artejanel Socrep D. Plu avisa se tratel dla sperses nr. 7 y nr. 9.
- **Raion artejanel:**
  - L ie unit dat la ncëria a n studio da ngenier per fé na pruposta de na strutura per l cantier de chemun n sun la spersa nr. 5 dl raion artejanel Socrep D.
- **Cuatieres de servisc tl raion artejanel Socrep B:**
  - L ie unit dat la ncëria a n architet de mudé la normes de atuazion per l raion artejanel Socrep B a na moda che l sibe puscibl fé n cuatier de servisc.

Urtijëi, 23.04.2024

Stefan Kasslatter  
Assesseur de Chemun  
(firmà digitalmënter)